

पूर्वे द्वादशमात्राः पादे चाष्टादशद्वितीये च ।
द्वादश तथा तृतीये पञ्चदशान्ते च सार्योक्ता ॥

In singulis pedibus conformandis, dummodo quatuor moras continent, cum maxima licentia versatos esse videmus poetas, hac lege tamen constricta ut hemistichii primi sextus pes Amphibracho semper vel Proceleusmatico saltem constare debeat, qui in primo, quinto et septimo pede nunquam occurrunt. Proceleusmaticum a pede tertio utriusque hemistichii omnino abhorreere Lassenius censet: exstat tamen Nîti vs. 31. Pes sextus denique in secundo hemistichio una constat syllaba brevi. Disticha hoc modo composita apud Bhartriharim habes quae sequuntur, in quibus asterisco notata sunt ea quae vitio aliquo laborant, ut saepius fit in versibus Aryâ metro conscriptis: Sring. 32. 37*. 41*. 43. 57*. 91. 100*. Nîti. 3. 30*. 34. 35. 51. 84. Supplem. 11*. 13. 18. 19. 21. 22. 23. — Quodsi omnibus regulis salvis acatalecticum fit hemistichium secundum, quale est Sring. 27.:

$\overline{\text{—}}\text{—}|\text{—}\text{—}\text{—}|\text{—}\text{—}\text{—}||\text{—}\text{—}\text{—}|\text{—}\text{—}\text{—}|\text{—}\text{—}\text{—}|\text{—}\text{—}\text{—}|$
Aryâgîti vocatur metrum, qua serioris aevi poetae magis delectari videntur et de cuius structura docte egit *Benary* ad Nalod. Praef. p. vi. sqq.

3. Ad metra quantitate syllabarum vel temporibus constituta illud quoque pertinet quod त्रैतलीय nuncupatur; species re vera Aryâgîtis cuius tamen licentias respuit atque ad secundam metrorum classem viam munivit. Norma haec est:

$\overline{\text{—}\text{—}\text{—}|\text{—}\text{—}\text{—}|\text{—}\text{—}\text{—}||\text{—}\text{—}\text{—}|\text{—}\text{—}\text{—}|\text{—}\text{—}\text{—}|\text{—}\text{—}\text{—}|}$
pedes ternis iam constare ubique syllabis vides, quae tamen quatuor mâttras efficiunt; leges praeterea praecipiunt membra Cretico et Iambo claudi, quibus abscissis sex tempora manent sive morae in minoribus, octo in maioribus membris. Hoc sibi vult regula in scholiis ad *Ghatâkarp.* vs. 1. षड्विषमे ऽष्टौ समे कलाः (sic enim legendum), quam pleniorrem dabit *Mallinâthus* ad Sisup. 16, 1. coll. *Colebrook.* in Asiat. Res. X. p. 404. seq. Atque hoc illud ipsum metrum est, cuius nomen Lassenius non invenit (ad Hitop. p. 199). Bis tantum in Bhartrih. sententiis exstat: Sring. 82. et Vairâg. 57.